

重修滕縣誌序



昔者孔子作春秋編年  
紀月比事屬辭文成數  
萬其旨數千嗣是朱子  
師其意而綱目繼之煌  
煌乎誠萬古爲昭也哉  
我

蔣序

皇上御極以來中外一統聲  
教四訖凡屬遐陬僻壤  
之區四方之來享來王

者莫不稱爲同文同軌  
之盛治幅幘之廣自古  
以來未之有也顧

聖天子宵旰民瘼如傷念切  
一舉念卽周乎天下國

蔣序

二

家以故輶軒之使達於  
四境而太史陳詩市司  
納價之風亦無不通乎

帝座雖三代聖王之治無以  
加茲然勵精圖治久道

化成普天之下莫非  
土矣而爲之臣子者庸  
簡在之任操磨世礪俗  
之權倘不各集四方風  
土山川形勝人物磊落

蔣序

三

忠孝節義以及前古後  
今之卓乎可傳者彙成  
一書其襄盛事其何以  
答

王上一日之知乎予自受

命東巡以來久有此志適交  
郡滕邑令黃生浚者與  
予爲孔李通家循例謁  
見畢復以增脩滕縣誌  
進而問序於予予覽之

請序

四

不禁有快於心曰夫滕  
叔繡遺封也歷傳至文  
公受教於亞聖孟夫子  
君臣毅然行井田法雖  
其國小未能大行然亦

風遺澤至今猶使人歌  
誦不衰又况滕近鄒魯  
去聖人之居甚近聞風  
興起宜其遠過他邦也  
且後之蒞茲土者代有  
循良功業傳於簡冊獨  
誌書一事自我

蔣序

五

朝康熙十一年增脩後迄今  
四十餘年未有脩補今  
黃生於簿書鞅掌之暇

考核精當臚列指陳宜  
詳者詳宜畧者畧與春  
秋比事屬辭之意深有  
合焉炳炳乎真史冊之  
光也此亦足以覘治術

矣黃生唯唯而退予遂  
援筆濡墨而樂爲之序  
巡撫山東等處地方督  
理營田兼理軍務都察  
院右副都御史加五級

虞山蔣陳錫雨亭序

蔣序

七

滕縣誌序

後承乏滕邑歷今四載夙夜  
冰兢深以不克負荷是懼蓋  
以滕之爲滕地大民頑今日  
之滕兼三國五邑紛然并治  
之滕而非當年五十里可以

黃序

爲善國之滕也溯滕之受封  
始於黃帝再建於成周其間  
或興或滅或分或併或南附  
於徐或東屬於兗或爲縣或  
爲州制不一定名亦隨之迨

後陞兗州爲府降濟寧爲州

滕縣遂永屬乎兗州而其制亦一定而未有改焉然滕鄒魯接壤也高山大川接乎泰岱通於洙泗依孟氏之芳鄰望尼山而仰止文人秀士孝子忠臣卓然而爲史冊之光

黃序

二

者自昔然矣浚也簿書期會之暇欲周覽而憑弔之旣以政治紛煩日無寧晷卽欲借前人之舊本以自成一家言又非如椽之筆恐其見譏大雅撫心自問實有未安幸

郡伯金公爲名教干城作風  
流太守本歐陽實學倣五代  
鴻篇凡其所屬咸諭以脩誌  
爲要務誠以誌也者可以觀  
天時可以察地理可以驗人  
心之淳漓可以見政事之得

失所僇洵非渺小也顧

後聞

之始則欣然繼且茫然滕誌

固宜脩而脩滕誌者正難乎

其人也爰稽有明脩於萬曆

時則有先達御史王公任其

事偉哉真一代史筆也雖

其繼矣再脩於崇禎又有先  
達比部張公復踵其事駸駸  
乎有全史之目焉迨我

朝定鼎以來康熙癸丑之歲復奉  
旨脩誌而滕邑之大觀備見於斯  
矣獨是山川旣萬古不易而

黃序

四

其間災祥互見忠孝廉節又  
時有其人苟不誌之恐其後  
益湮沒而不可考也於焉詢  
諸父老謀之紳士僉曰吾邑  
中孝廉公若陳君貞元王君  
策軒張君寵錫陳君開文

君季華張君韻珂其人者  
望文章邑中首推盍以此事  
重托之而諸君子亦不辭辛  
苦共襄厥事獨陳君貞元書  
未成秉鐸萊陽王君策軒輩  
自始專以至終事發凡起例

其命意直欲突過前人是一  
邑之光也脩誌豈不在得人  
哉然後於此又有感焉天下  
之大英人傑士所在多有豈  
獨一滕况

望天子車書一統幅幘之廣

僅見凡屬禮教信義之區淪  
肌浹髓之地無不蒸蒸然稱  
上治矣浚敢以此自多乎哉  
書旣成用以報我金公倘  
或當代名公鉅卿不遺採擇  
則滕邑幸甚浚亦幸甚

黃序

皆

六

康熙五十五年歲次丙申秋  
八月上浣之吉文林郎知滕  
縣事加三級紀錄三次新安  
黃浚秀宗撰

滕縣志叙

夫滕故邾繒之遺封也自文公  
承教于孟子其君若若臣即能  
毅然行井田之法于區區五十  
里之疆域迄今稱善國焉  
古先王巡狩諸侯所以脩教

金序

齊政型俗刻方則賴外史氏  
陳詩以觀民風目市納價以  
觀民好惡風俗人心之善惡  
莫不載於方志之中則志  
綦重也甚嚴也若其國為  
善國必斯方志有大不俾於

聲常者矣吾獨怪夫偏字  
字皆志也牽引傳會傍勢  
倚形往竊取夫山川名勝稍  
稍近古而足以標榜者為之  
粉飾曰某之某州之古蹟也  
某之某邑之異產也至改其

何者有闕政教何者裨益方  
俗則實之既無華於奚附  
先王之設方志其用意固  
如是哉予於康熙癸巳自魯  
曾出守斯邦即有脩纂部  
乘之舉竝檄行屬州邑各

輯志者以資蒐羅考訂先  
聚所繪版籍總圖而披覽之  
知滕之疆域加大於古兼包三  
國五色之雄而接懷鄒魯  
弦非復五十里矣且仰止丘  
山依陳孟氏歷代人物表

金序

三

於史無者予猶能約略記之  
迄閱二載而滕令黃君始貴  
到增修縣志兼本且乞予  
一言予檢閱三復不禁心慕  
而謂黃君曰是誠善國之志  
也予能無失乎先王之圖

矣夫志也者志其土地志其人  
民志其政事與文獻俾傳  
之千萬載而如一日者也今  
聖天子加意元一統志成超軼前  
代自甲子首舉東巡

之恩之普允被于魯滕為文公承教

金序

四

孟子之地尚有聖賢之餘韻流  
風吾願生於斯者念了邦忘  
其為善國而為子必孝子為  
臣必忠士稱秀士民號良民  
則孟子性善之旨雖至今不  
泯于人心而千萬載如一日也